

庶物類纂

序 凡例

容

第百廿三函

太政官文庫			
和書門	特別	三二	三六二
	架	第五十四番	函
四	六	五	册

内閣文庫			
番號	和	32362	
冊數	465	(1)
函號	特	54	1

特54-1

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



糊などで貼り付けられている部分がめくれない箇所あり
白紙のページが続く箇所があり、白紙箇所は省略





庶物類纂自叙

夫有天地而萬物生矣人亦居

一焉而裁成輔相夫天地者特

是人也矣故曰天工人其代之

蓋邦國昌泰則天地山川得方

圓流峙之常日月星辰得經緯

昭回之度雲霞草木得霏布滋

庶物類纂自叙

京師漢書卷之七
莫之時。旌章文物。得揖讓周旋
之禮。三才品彙。萬物情狀。為之
爽然。不少爽差也。伏惟方今。四
海無虞。脩文講武。祖述夫聖教。
憲章斯

神勳。四表欽天。縱之德。八蠻仰日。
躋之仁。黎庶沾于忠孝之化。百

僚極夫英賢之選。然水火旱暵
之變。六淫七情之瘼。不能無之。
時或苦之。故為之新設。惠民局
於城北。而賜醫藥。食服。創作防
火巷於白下。而預蓄索馬丁壯。
其他浚川正疆。移梁卹荒之舉。
不可悉記焉。先特

旨フシ使シ機キ等ラ改正シ和劑シ局方シ而資シ天
 下衛生シ之術ヲ又令シ撰シ普救シ類方
 及東選シ方ヲ而以シ惠シ諸僻壤ノ之窮
 民且將シ以シ正シ庶物ノ名稱ヲ而醫藥
 炮厨禮薦詩品ヲ使シ之無シ謬誤ヲ矣
 選採シ我土物ヲ而以シ適用シ或致シ殊
 方之產ヲ為シ我有シ稽古シ沿革シ而愿

軫念シ於乙夜ノ垂典シ則於萬世也
 於戲偉哉夫古來名物之書汗
 牛充棟雖各遡シ洵ノ于爾雅本經
 之淵源然師曠揚雄疎乎形狀
 郭璞張華之於類聚弘景日華
 切用畧解御覽廣記惟紀舊文
 而荻麥不辨六帖欠解詩疏僻

情。埤雅。雅注。雅翼。俱鮮收采。其
他名物之載籍。據實傳信者。殆
希焉。至于嘉祐大觀之選。亦頗
大備。然性分三品。功驗七方。特
為杏林之設。而究名物之意。不
篤也。李時珍強識博洽。觸類長
之。集而大成。但動則主張六經。

六氣之說。而間有蛇足之釁。且
一信野叟樵夫之謔。而偶傳魚
目之妄。夫正字通及近茲東來
之字典。辨非正誣。止主點畫耳。
廣群芳譜及淵鑑類函之富。膽
特抄夫風藻雅語。而不無遺珠
之嘆。欲以徵名物。其益亦鮮鮮。

庶物類纂不刊卷首序
乎哉先師稻義常告機曰我有
所思而欲編庶物類纂廣探夫
經史子集稗官野乘九流各家
加之以明氏各省府志縣志以
為一書垂諸後世既有成緒未
及半而不幸下世賀藩故參議
管侯嘗仰

欽明之盛耀獻其遺草其為書三
百六十二卷分為九類品物總
計一千百八十餘種且次題曰
一千卷二十六類而大半未就
故令下機蒐輯遺編十七類六百
三十八卷以足一千卷二十六
類之數焉上機所輯錄總計二千

二百十四種。選例一效舊規。敢不自揣。采擇群籍及黎獻之言。斷以己意。享保王子始功。戊午告竣。嚮者經

台覽

且被褒賞。此非機之績。抑先師稻義之功。爾昇平日久。鴻化遠覃。遼東朝鮮之神草。今滋於

我疆土。南粵蜀川之珍菓。育諸州群。狎象臻靈禽乳之類。實昇平。美談云爾。皆前編之所遺漏。其他前選。竣功以還。或遠來自海外。或偶見諸窮山遐塚者。亦若干種。故延享乙丑。再令機蒐類。而又增添一百八十餘種。夫

此舉也任重道遠矣。非機之所
能然。廢格教旨。為罪不測。故
竭心目之力。敢以成之。恐掛一
漏萬。且金根貽嘲。亦不為少也。
機嘗聞之。取舍者古人之上務。
而述作者前列之餘事也。雄才
奧學。尚以為難矧。機素無遊觀

廣覽之知。加抱至愚極陋之質。
何足與纂述之職耶。昔遊學平
安。授經餘暇。從稻義明辨爾雅
本經。而討論名物。十有餘年。與
義俱閱。二京之春。並嫩葉。或獨
拾四明之秋。實陳根。迨犬馬齒
壯。幸被補醫。負奉採藥之

命五畿七道不啻東奧南紀西肥
 北越足跡之所通窮山絕壑遍
 陟悉探或遇西清之客商而正
 動植之名稱或延紅毛之行賈
 而訪飛潛之情狀且敬鈔秘府
 之群典屢視公園之奇品或奉
 命檢校諸州縣所產之藥品且正

兩都三市藥鋪所鬻之真濫乃
 得遂機夙志皆為我所學之地
 此即上之賜矣今茲類纂正
 補全成而有以知我邦土之產
 以為北庶之用異邦之產來于
 此者真傳得以辨識焉機鼠肝
 蟲臂之功亦將得裨夫國家萬

燕外集卷之九

分之益實獻芹之微志云乎馬
骨既至不日而千里之馬有充
於既而昌泰盛際有以裁成輔
相天地之道者乎哉敬叙撰述
之所由并以獻云爾
延享四年歲次丁卯冬十一月
醫員丹羽貞機誠恐頓首拜撰



布衣 烏石葛辰謹書



燕外集卷之九

庶物類纂叙

庶物類纂叙

夫物之芸芸職職於覆燾間者余未知自賦其形自攝其生而無與於化始歟抑受形於天稟生於天而各得其生生之理歟天以一理胚胎萬物則物之洪纖大小熟非具一端之理而與人異者特通塞之別也朱子之說曰氣以成形

庶物類纂叙

理亦賦焉。人與物同一氣也。同一理也。則物之所以爲生之理。其可以最靈之人而莫之知乎。人者總物者也。物者需於人者也。人之所以養口腹而庇身體者。無一不資於物。而形與名尚不能知之矧乎無形無窮之理哉。理在目前而不知者。其此之謂乎。蓋穀菜草木花卉。

鱗介翔走之屬。其形其名。初未嘗不合。或墮土之肥瘠。而其性移。或坐地之南北。而其形爽。故人不窺其本。而揣其末。不核其始。而求其終。不能移前而知於後。不能推此而見於彼。信於目而疑局於耳。而惑於是。以一種而千百其名。以一本而二三其形。噫。不見夫人乎。人之

形有長短馬有肥瘦馬有美醜馬有儻
躡馬有曠瞎馬性各隨其形喚做其名
其實非一般人乎然聰明有限聞見易
蔽而凡物名之雜書於傳記者卒多矛
楮非博採廣質叅互考訂則曷能刪其
訛而就其正哉日東有稻君彰信甫誠
博雅君子也力學績文之餘遂窮格物

理上自六經四書下至諸子百家旁及
稗說危言醫氏襍錄隱文秘訣所載千
彙萬品形色名稱無不搜羅櫛疤鋪攤
剔抉兜攬古今牢籠巨細分左證右援
前較後同而異者斥其異而附於同一
而分者合其分而歸一纂成一家語名
曰庶物類纂書凡二十三部物種并全

庶物類纂卷之四
玉土石水火二千有餘。於是乎動植肖
靈靈物之形樣名號皆各得其正。井井
而不紊。昭昭而易見。疑者微而信之。惑
者渙然覺之。是書之有功於人。豈居本
草等諸書之下哉。聞君弄精積勞。費了
二十年光陰。然後編秩始完。云其用心
之勤且苦。乃若是。而紙墨之具繕寫之

手加賀州大守君實皆資供云。其亦樂
成人之美。而若已有之者乎。世之著書
者何限。最多者亦不過數十編。而稻君
是書也。至千卷之夥。此千古所未覩者。
豈不誠難哉。格物亦君子學問上一事。
故古聖人以格物置於八條目之中。而
君之薦工如此。卓識如此。能窮極物理

之蘊奧處若使君能用力於誠意正心
之學其為世道重者豈一部書而止哉
於戲稻君其勉之哉

歲壬辰元月

三韓東郭題

庶物類纂序

天地之間莫非物也分物以命名正名
以辨物然後名物之學有繇興焉夫以
學者視天下之物星辰歷象地理職官
禮樂典故宮室車服以暨鳥獸草木之
屬孰非名物之所聚乎是故君子之學
莫博於名物而名物之多唯本草為然

本草類纂卷之九
夫本草以草名篇而土木金石羽毛鱗介皆在也自神農氏以降歷虞夏商周下逮炎漢隋唐之後天下幅員日廣四方品物日殷充牣於華夷山海之產洋溢於職貢圖籍之志而欲以一人之力蒐輯而討論之亦已難矣稻君彰信京師人也以博覽強識名一世嘗以治經

餘暇輒取古今名物之書而讀之莫不研究探索以求其精而其於本草最致意焉出產形狀驗之經歷聞見之實名稱種類證之於錯綜同異之說如是既久然後寤夫諸家本草之書大有未備而其論形狀定名稱亦不免多有錯誤要之不可據信遂欲考訂百家折衷群

言部分類次以成一家之言未果也及至策名藩府常以博雅為我侯所優待乃賜君休暇以祿家居給以紙筆傭書之人得以商量舊學盡以其所蓄著為一書以謀不朽於後世繇是君始肆力編纂日夜孳孳久之不倦歲凡歷二十稔屢更易稿分為二十三部計二千餘

種皆係我東域所產者其中國產而此不產者當俟他日別錄於是書成總一千卷名曰庶物類纂其採摭之富與辨拆之精自有物類之書以來未之聞也是歲季夏之月君來本府并侯淹留之間數與余相見於寓舍語及是篇乃解其裝出而視之簡秩紛綸縹緗粲然真

庶物類纂卷之四
盛觀也。他日謂余曰：顧是編也，於子之意何如？願乞一言以辨之。余謂昔者孔子教人，多識鳥獸草木之名，而商羊萍實、專車之骨，與夫肅慎之楛、大野之獸，皆待於聖人而識之。是天下之精於物類者，莫若聖人也。孔子沒，門弟子各傳其詩書禮樂之說，而其名物之學則莫

傳焉。及至後世，若晉張華、宋鄭樵、元耶律楚材，並皆號博物君子。然未聞有能通四方之志，考古今之籍，舉海內之產而錄之，以補千古之闕典也。豈其事浩大，汎濫實有難於爲力者耶？若本草之書，專以審藥材爲重，其不預藥材者不收，亦不過以鑿家之業、方術之書而

己固不足以論古人名物之學也。今稻君以淵博之識精悍之力貫穿經史馳騁古今直往勇進以古人之所難自任卓乎有所成就殆盡天下之物類而無遺焉真可謂

昭代之大典不朽之盛業也。豈可例以鑿家本草之書視之哉。後世得此編而

存之將見其不讀聯乘之書而家著傳物之志不購縣金之賞而人知呂覽之誤何者名物之林得失之苑也。譬之觀於九貢之鼎而海內之恠無遁於目遊於五都之市而天下之珍畢陳於前彼其所周歷四海經營一生而得之者我乃坐盡之於一覽之後後之讀是編者

亦如此爾。傳曰：為之者勞，觀之者逸。嗚呼！後之人其尚有以知稻君之勞哉！日東寶永七年歲次庚寅七月既望，英賀室直清師禮甫序。

正補庶物類纂凡例

一此書前後增補總一千五十四卷屬類二十有六品物總計三千五百九十種。前編三百六十二卷草木果味花鱗介羽毛都九類總計一千百八十餘種。予先師稻義承賀藩故參政綱紀之命元寶年間所編集也。後編

六百三十八卷增補五十四卷水火
土石金玉竹穀菽蔬海菜水菜菌瓜
造釀法虫蛇屬都一十七類總計二
千四百十種臣機奉

台昔享元之間併舊聞錄新得補葺修
為又延享乙丑之冬再令臣機增輯
兩編之遺漏丁卯之冬竣功云爾

一鳩巢室氏序曰此書為卷若干三韓

李磻序云若干文有異者蓋就成書
與目次而言之別也讀者莫訝

一凡古人物類書編之次以水火為冠
土石金玉次之草木穀菜鱗介羽毛
之類又次之是編次則例也然此書
前編無水火之可先而有羽毛之可
後蓋是當時應主候之命而采錄之
故不由編次之例可先者却在遺編

庶物類考卷之九

中今改之一倣古叙目

一此書庶物之名義甚廣宏夫四海之廣古今之久萬彙森列不可得而識者多且燕越異產齊楚別語物有有無生有正竒深嶺窮谷之林卉澗實遠地遐方之飛潛動蟄難悉察識訪之達觀博廣之士究其所在亦甚艱矣所錄之品數惟滄海之一粟耳蓋

摭拾舊聞且攄鄙見採擇未遍遂欲假數年而拾遺補闕焉耳

一所載物類異邦之諸書論其名狀而本邦亦所有和漢稱呼相符徵而可傳信於後世者爾蓋雖有和訓然漢名難徵者措而不錄

一古來物類之說古今因革離合紛紛不一今本于神農本草經及爾雅而搜

庶物類考卷之九

索諸家之說而稽考本邦所有之
品物又取捨文人醫生之稱謂兼民
間俚俗之方名其性其用遠稽近述
一允庶物之名稱形狀事實功用產地
多本本草爾雅故初載本草爾雅如
他書則因其所著先後而為次叙然
如爾雅疏爾雅註爾雅翼埤雅逸雅
博雅小爾雅續爾雅廣雅蜀爾雅羗

雅通雅有不因循夫世代之叙而記
之者如宋鄭夾漈爾雅註在晉張華
博物志之前是以諸雅皆為爾雅之
羽翼也唐宋之諸本草在魏晉之書
前亦皆是例

一編輯書者不在務辨品物之紛紜也
故廣采錄古今之群典前書著見未
完後書詳言與俱存之庶幾欲自為

庶物類纂 卷之九

之疏解使讀者易通曉間識管見正
辨其臧否訂其譌謬也

一凡此書以爾雅本草二書為本蓋詩
經之物類爾雅為之傳註醫藥之品
種本草為之巢窟夫詩經之物類雖
謂為多識之資實關聖教之意訓醫
藥之品種方係人物壽夭之得失與
夫艷蕊珍菓充眼口之好爽者不可

同日論焉故如詩品藥物務辨疑正
誤必瑣究之

一此書務正品物之名與五方之名稱
也五方之稱呼不必齊古今之事用
亦自異焉至夫齊名異物則必失其
真似而非者又易混淆且本邦古
來字用漢文譯乖者多不唯棗櫟訓
涯罵虎結山茶誤稱椿樹耳沿習相

庶物類纂 卷之九

庶物類纂卷之九

襲訛傳日滋苟非審訂其名詳辨其實則由名而失實者不為尠矣
一多識鳥獸草木之名者亦實不易而識其實者固難矣識其性者尤難矣
凡讀此書者當先識其名與實也善讀者當自兼識其性
一凡物類藥鋪之賈罔場師之孟浪不可以一二數使讀者明識其實否與

性則其賈罔孟浪自亮然哉
一凡本邦古今物類之書釋飛潛動植妄為其訓駕以杜撰之說多非耳目見聞之實論如羊羶曰羊草劉奇奴曰唐帝草蓋不足以傳信也凡如此類皆刪去不載惟雖山老漁翁耕奴織婢之方言自不知其名義然自古稱之者載之

庶物類纂卷之九

一凡品物有同名異物者又諸說有疑似難分別者則逐條下悉附意見以辨其名義異同

一凡引用之諸書衍文誤字亦不畧矣辨其異同正其謬誤者則各條下附臆見云蓋前編悉冠謹按二字後編則書機謹按之三字而以別之

一凡編中之庶物多在人間方俗皆稱

其名者附其稱呼或在巖嶺深溪不知名又直稱漢名而無此方名稱者依舊錄而待後日又如塲師及愛花之士私立命名世不知焉者悉不錄一凡所稱之俗名諸州通呼者不記其州名各州稱呼不同則記某州以別之俗呼以國字記者蓋為便誦名則知實也

一 凡神代日本書記之類萬葉集倭名抄等雖以華音譯之然古訓難通今故今采我土與漢土符同而無異者記之

一 凡編中雖不強載藥劑之方法然至知當養天壽及防卒死者則收載之黃精益壽川弓暴亡之類是也又如諸家文集等舉藥物之異蹟奇功而

傳信者或論其藥之治驗且可證其名狀者皆悉載之

一 凡古來物類之書兼醫藥之方法者多矣然醫療自有專門若博綜欠詳則恐却傳謫貽悞故諸本草中醫藥之方法散在議論中較然可據者只收載之非務採掇也

一 凡此編者庶物之肆也供飲膳者事

衛生者嗜華卉禽魚者資詩賦者四
民各隨其所好取此當以適其用哉
蓋至充其材用旁通觸悟而更能盡
其物性利夫民用則存乎其人矣又
若夫恤政救饑防蝨防火則治國之
要不應以品物之奢而忽之

一凡前編引用之書典者先師蒐獵賀
藩書庫之藏書而抄錄之後編所采

集得竊閱官庫之秘書且加之以賀
藩之籍又有命令國群上其地方
之名稱與產物之圖交互演繹而錄
其方名蓋書籍以數千計卷策以萬
計

一凡庶物之名狀不可遽識此編之物
品正藥材於醫林問穀菽於老農文
詞家萃夫漁翁野老樵夫各就其所

諸窮探之。徵此以往牒。而以分名義。以明形狀。

一凡此編抄。撫舊說。刪繁撮要。不必錄全文。難明其義者。則全載之。如梅竹刀硯之諸譜。養魚相鶴之諸經是也。又若太平御覽。廣群芳譜。淵鑑類函等書。雖不錄各類之全文。其屬品連及則抄寫之。

一凡古今物類之書。純駁精麁。紕繆難辨。至宋唐慎微證類本草。而稍備矣。使諸家本草及各藥單方。貽諸千古。不致淪沒。而為時珍綱目之所據。皆全慎微功也。至時珍綱目。而後大備矣。網羅百氏。訪采四方。則是集大成者也。然綱目所收載之舊說。厭飲其繁冗。而撮錄其要領。故難索其首尾。

溯其淵源者亦不少矣。今此編所載陶弘景、孫思邈、陳藏器、蘇頌、唐慎微、陳嘉謨、李東垣、朱丹溪等之諸論，皆各據本書，或從嘉祐補註本草證類本草中謄抄之焉。

一 凡編中考纂之書，唯記其書名，而不記其人之姓氏者，是當時奉詔選次，或修舊典，或刪定成書，如太平御覽

嘉祐補註本草廣群芳譜之類，皆是也。

一 昔日先師創稿日於所定二十六屬中，自筆九屬，後編十七屬，唯存其目耳。

一 凡水屬中所載異水，未的知某州某縣有之者也。亦嘗聞洋中有此異水，紅夷賈舶間諳識之，故今載之，取便

尋索如弱水黑水白水紫水赤水綠水二色水是也。

一火屬中列火浣布石絨鎖鎖帽之類。非本邦之土產也。然嘗傳有火鼠火鼯雷獸故觸類引伸載之以廣異聞爾。

一是書石屬中載鹽類舊編或入水屬或入石屬或入食品。夫食鹽雖本煎

煉潮汐而成者方是水氣凝結既成沙石之質猶礬石本是溫泉之氣熏著諸草沙取其淋水而煎煉以成石質也。芒硝焰硝硫黃亦皆是類。故今載石屬中。

一凡王者石類也。岩巖之精氣為玉與金同氣。又有海產者異邦甚寶之。猶本邦古今尚刀劍故細大洪纖其類

多品今所載之中雖有本邦未見之者然皆同種而有精麁也觸類錄之以便考索

一金屬中附禁侈靡條下者此節用周急之道云乎哉列夫假金銀者為審知其方法而當亦防其姦計耳如彼紙錢雖本邦自古无此製然乏銅泉國神祀佛場之儀以紙代銅則亦

給財之一舉也如彼投壑入柩以此代彼則是所謂禮羊二全也

一此書草屬品數比花菓穀則似甚乏馬李時珍本草綱目總計二千種內草屬六百一十種此書總計三千五百餘種內僅三百一十八種云蓋綱目除穀菜外凡草屬可供醫藥者分為十類皆入草屬此編不為強錄藥

品之功用。故花菓菜穀各分其屬。自草屬中增添之。所以花菓菜穀俱富。而草屬特鮮。鮮乎。

一凡此書草屬頗係藥物。故多引載。諸家本草醫藥之書。蓋欲辨藥材。須於草屬中需之。

一凡醫藥日用之品。而有不載草屬。而特載花屬者。芍藥菊花烏頭附子之

類是也。醫藥之書。雖多記其主療之功用。然古今賞花之書。編尤多。故入諸花屬中。草屬中亦存焉。

一木屬種類。比他屬則尠矣。蓋深嶺陰谷之木。本不如卉草容易。應移植。故倭漢物類之載籍錄者不多。方名俗稱。民間識之者亦鮮。

一凡花屬。不別水陸草木。花之當賞者。

原外類考卷之九

皆併而載之如梅桃蘭荷是也
一凡花屬中既收之菓屬亦載之者是
以花菓俱賞而不可偏廢也梅杏桃
李類是也他屬疊出者皆效之正擬
廣群芳譜之例

一凡花屬中只一種而多列品類者凡
人多尚花卉奇種僅有香艷之異則
酷賞愛之故苟有名稱之差則悉列

之如梅花牡丹芍藥蘭菊山茶葵及
雞冠是也

一凡草實可粒食者皆穀也米粟黍稷
麻麥尋常日用之資不可一日欠如
夫歉歲或僻地遐方乏穀土境雖節
芮蓬草子東蕃荊草之類不應充粒
食者古人亦收之以備荒政也
一穀屬中載辟穀恤政之諸論與民間

庶物類考卷之九

不遍知之農事佃法雖俱非物類之
品目亦皆仁術之一端而有資民庶
者也故如此類皆觸類不遺

一菽豆者蓋穀屬而李時珍綱目中僅
出十有餘品耳當從其類者殆五十
種今編錄以次諸穀屬

一凡蔬屬之品目六百三十餘種其中
恒用諸膳膳而切者稍充其半蓋如

夫水旱風蝗之變不可預知當其時
也穀菽菜蔬不復暢茂羽毛鱗虫遽
難息育則唯有林卉野草之在而已
若能預識別形狀審辨採調則雖微
毒偏性苦刺澁戟之品其嫩苗稚葉
淘爍得宜煮熟適法則猶須充飢腸
挽殘喘哉故周憲王救荒本草王西
樓野菜譜其他藥材華苗有可為蔬

為茹者則蒐錄之以入蔬屬與夫如
託興衆芳寄情花木而為風雅之資
者其事用迥別焉又蔬菜之末附載
鬱養強熟之法本邦之俗謂之麼
涯十蓋高貴之家中饋之術而諸書
記之者甚罕矣今偶記之然非誇奇
云

一水菜海菜本是蔬屬之一類併收之

於蔬屬中亦為可也然蔬類品數最
多別川澤湖海之異則不勞探索故
今別錄二屬

一造釀雖元非品物之數古聖人烹飪
齊法亦以教民夫飲食者養命之本
而五方之氣四方之產百穀或異其
性水鹽亦有良不故造釀之法或增
減斟酌水鹽炮炙得其宜亦為愛父

庶物類考卷之九

母之遺體之一觀鄉黨之篇當自識
馬

一凡虫屬中如夏螢悅自秋蟬清耳金
鐘兒與紡績娘雖虫之微如哀如訴
故詞人騷士詠吟不已故撮其一二
而記之亦資博物之一也如夫蠶之
為繭蜂之釀蜜女貞結蠟有大資於
民用故備載而不遺又蟲益害稼黑

虫圯山是邦土之大患故詳載蝗蝻
螟蟻蝨蝻橫綿賊花虫等之形狀與
其預防避禳之方法云

一凡鱗屬漢土之書尤欠詳明蓋唐山
沿海州郡不多故物類編中收載至
鮮矣多出干傳聞焉本邦四邊皆
海海子巨川不為甚也故水族固饒
然名謂難相徵者不悉載焉

庶物類考卷之九

一鱗屬中載龍涎香蓋從來諸書以為
龍之涎沫嗜香之徒尤尚之此元出
自海鱈腹中之物而諸書欠詳解漢
人不識海鱈但以為異魚而記載况
於龍涎香乎本邦濱海之所所採
之鬻之此曰鯢糞或曰非糞此涎沫
也未審孰是然出於海鱈腹中也斷
無疑焉故今附海鱈條下

一蛇屬唐宋諸本草悉為水屬併入魚
屬中然龍蛇靈怪大物與惟水族種
類自別而龍其最靈者爾蓋曰駝頭
鹿角鬼眼牛耳蛇頂蜃腹鯉鱗鷹爪
虎掌然呵氣升天致雲降雨拔樹倒
屋變態百出人不得窺測見睹者何
以審其頭首耳角耶然本邦夏秋
之間時偶有之故今蛇屬特冠之若

本草綱目卷之六十一 魚鱗部

庶類集卷之六

夫死骨蛻骨固不可無辨焉





